

Signum eiusdem trepidationis datæ in fronte aut in crepidine canonis in primo quidem versu numerorū ipsius tabulæ a sinistris scripto si signum in fronte compertū extiterit, aut in dextro & postremo versu numerorū ascendentī, si signum datæ trepidationis in canonis inuenētum est crepidine, numerus itaq; graduū & minutiarū in area canonis sub signo aut supra signum, & ex aduerso numeri graduū scriptus pro data trepidatione variatio est maximæ declinationis solis septemtrionalis quidē si data trepidatio prima est atq; minor gradibus 180, seu sex signis cōmuni bus, aut meridionalis si data trepidatio item prima existat atq; maior semicirculo seu sex signis cōmuni b⁹. Sin autem data trepidatio secunda sit, denominatio pro variatione maximæ declinationis solis comperta contraria compellabit ratione. Nam ipsa trepidatione secunda existente minore signis sex, ipsa variatio elicita erit meridionalis, eadem deniq; trepidatione superante gradus 180, seu signa sex, comperta varatio maximæ declinationis solis septētrionalis seu borealis appellanda erit, veluti inscriptio dicti canonis admonet. Denominatio itaq; præmissæ variationis maximæ declinationis Solis pro secunda trepidatione extractæ, contraria est denominatiōi variationis eiusdem declinationis pro prima trepidatione elicite. Deniq; sciendum est si iuxta integros gradus minutiae quædam fuerint appositæ duplici opū est introitu, qualis in Alfonsi tabulis & alias copiosius est enarratus, qua propter duplīcē hunc introitum hīc repetere necesse non est. Esto itaq; data trepidatio prima cōmuniū signorū v. graduum viii, primorū minutorū iii, secundorum liiii, sitq; pro ea proposūtum variationem maximæ declinationis solis inuenire. Ingressus itaq; canonē primū propositionis xix, supra signa v, & ex aduerso graduū viii, in postremo numerorū versu scriptorū, cum duplīci etiam introitu propter appositas minutias elicio variationem maximæ declinationis solis gradus i, primorum minutorum xv, secundorū liiii, Septemtrionalem quidē seu borealem quia data trepidatio prima est, atq; minor semicirculo seu cōmuni bus signis sex, Rursus pro secūda trepidatione das